



Page: 6

Reach: 0

Country: BOSNIA AND HERZEGOVINA

Size: 70 cm2

1 / 1

AKCIJA "LIFT"

Krili prigušivače, eksploziv i zolju

D. SLADOJEVIĆ

SARAJEVO - Čak 11 kilograma eksploziva, ali i po jednu zolju i granatu, pronašli su pripadnici Državne agencije za istrage i zaštitu (SIPA) tokom akcije "Lift", usmjerene protiv krijumčara oružja, a sprovedene prekjuče na području Sarajeva, Mostara i Bugojna.

Zaplijenili su istražioc i 29 pušaka, te 34 pištolja, kao i 11

prigušivača, ali i 4.771 komad municije.

"Pripadnici SIPA pronašli su i privremeno oduzeli i 21 ručnu bombu, 4,7 kilograma baruta, jedan štapin za paljenje eksploziva dužine 100 metara i četiri štapina nepoznate dužine, te 123 inicijalne kapsule za eksploziv, i 40 kapisli za lovačke puške", saopštila je Kristina Jozić, portparol SIPA.

Tokom ove akcije, zbog sumnje da su počinili organizovani



kriminal, odnosno neovlašteni promet oružjem i vojnom opremom, SIPA je uhapsila Harisa Hodžića (32), Mustafu Šemića (56), Nikolu Pandžu (58), Muhameda Mehmetija (37), te Mensada Sirajića (54), i Mariju Prcea (37), a pretreseni su objekti na šest lokacija.

Tužilaštvo BiH predložilo je da pritvor u trajanju od mjesec dana bude određen za Hodžića, Šemića, Pandžu i Mehmetija. Tužilac je procijenio da postoji opasnost od bjekstva te četvorice osumnjičenih, ali i da će, ako ostanu na slobodi, uticati na svjedoke, te da bi mogli ponovo izvršiti isto ili slično krivično djelo.

Za Sirajića i Prcea zatraženo je mjera zabrane, na način da ne smiju napuštati boravište niti putovati, kao i da ne smiju koristiti lične karte za prelazak preko granice. Obavezni su javljati se nadležnom policijskom organu jednom sedmično. Akcija je sprovedena po naredbama Suda BiH i Tužilaštva BiH, kojem su osumnjičeni juče predati.